



### „Vongóð um að þarna finnist heitt vatn“

Mynd: Dagskráin/Björgvin Rúnar

Líkt og glöggir vegfarendur Lhafa eflaust tekið eftir, hefur starfsfólk Selfossveitna hafist handa við tilraunaboranir á horni Árvegar milli Hótel Selfoss og Selfoskirkju.

Sigurður Þór Haraldsson, veitustjóri hjá Selfossveitum, segir í samtali við Dagskrána að rannsóknir á jarðhita á svæðinu lofi góðu. „Í fyrri fundum við vísbendingar um jarðhita sunnan megin við ána, þegar við bor-

uðum annars vegar við Tryggvaskála og hinsvegar í Fosslandinu. Í kjölfarið af því var ákveðið að fara í tvær rannsóknarholur, báðar 900 m djúpar, önnur við Hótel Selfoss og hin í Fosslandinu. Ef við finnum heitt vatn getum við rýmkað þær og gert að vinnsluholum. Við erum til-  
tölulega nýbyrjuð á þeirri fyrri, SE45, komin á um 30 m dýpi og það er ekkert að fréttu ennþá, en það má búast við því að þetta

taki nokkrar vikur og við erum nokkuð vongóð um að þarna finnist heitt vatn. Við erum að leggja lagnir alla leið frá SE40, holunni sem við fundum vatn í í fyrri, norðan megin við ána, búin að skipta um lagnir í brúnni og stækka, þær lagnir geta svo nýst beint niður Kirkjuveg og geta tengst við Eyraveg og þessar sömu lagnir nýtast líka ef við finnum vatn við Árvegin.“

HGL



Aðalsteinn Jóhannsson frá Jórvík fasteignum, Sigríður Vilhjálmsdóttir, staðgengill bæjarskjóra og Bragi Bjarnason, formaður bæjarráðs skrifðu undir kaupsamning til staðfestingar á sölunni. Ljósmynd: Árborg.

## Árborg selur Björkurstykki 3 á 1,2 milljarða

Sveitarfélagið Árborg hefur gengið frá kaupsamningi við Jórvík fasteignir ehf. vegna sölu á landinu Björkurstykki 3 á Selfossi. Um er að ræða sölu á landi undir íbúðarbyggð fyrir 1,2 milljarða.

„Þetta er góð sala fyrir Sveitarfélagið Árborg og hefur jákvæð áhrif á rekstur sveitarfélagsins. Um er að ræða spennandi uppbyggingarsvæði sem býður upp á möguleika til fjölbreyttrar íbúðarbyggðar og verður ánægjulegt að sjá það byggjast upp á næstu árum“ segir Bragi Bjarnason, formaður bæjarráðs Árborgar.

Sveitarfélagið auglýsti í des-

ember sl. til sölu landið Björkurstykki 3 sem er hluti af Stekkjarhverfinu á Selfossi. Um er að ræða 17,5 ha land sem ætlað er undir íbúðarbyggð og kaupandi landsins myndi í framhaldinu sjá um deiliskipulagsgerð, hönnun, uppbyggingu innviða og sölu byggingarlóða.

Af fjórum uppbyggingaraðilum sem buðu í landið kom hæsta tilboðið frá Jórvík fasteignum ehf. upp á kr. 1.210.000.800 kr. eða 73% yfir lágmarksverðinu sem var 700 milljónir. Fyrirtækið hefur á undanförunum árum séð um sambærilega uppbyggingu íbúðahverfis í landinu Jórvík sem liggur að Björkurstykki 3.



## Fáðu fagmann í verkið

Framúrskarandi  
fyrirtæki 2023

**PÍPULAGNIR**  
SUÐURLANDS

Háheiði 10, Selfossi  
S. 699 1985 / 823 6656

## TOYOTA bZ4X

100% RAFMAGNSBÍLL

 Toyota  
Selfossi



Toyota Selfossi  
Fosnesi 14  
480 8000



# „Draumur okkar er að þetta springi á endanum“

Pílukastfélag Árborgar var stofnað árið 2020 af nokkrum áhugamönnum á svæðinu. Það félag lagði þó fljótlega upp laupana vegna skorts á aðstöðu. Árið 2022 var þó ákveðið að endurvekja félagið undir nafninu Pílufélag Selfoss (PFS) en meðlimir höfðu ekki erindi sem erfði við að verða sér úti um aðstöðu til æfinga, þrátt fyrir ítrekaðar tilraunir, fyrr en nú, en félagið hefur sett upp fimm píluspjöld í salnum í félagsheimilinu Tíbrá við Engjaveg á Selfossi. Blaðamaður Dagskrárinnar brá sér af bæ og kíkta á glæsilega aðstöðu Pílufélagsins af þessu til efni og náði tali af Sævari Þóri Gíslasyni, varaformanni PFS, og Helga Haraldssyni, formanni Ungmennafélags Selfoss.

„Við vorum með þetta í bilskúrnum heima en okkur langaði að ná lengra, okkur langaði að kasta með öðru fólki og verða okkur úti um aðstöðu svo við þyrftum ekki að vera einir heima í skúrnum. Ekki það, maður er alltaf bestur í skúrnum,“ segir Sævar og hlær.

Í kjölfarið af endurvakningu félagsins voru nokkrir úr hópnem sem tóku þátt í liðakeppni Pílufélags Reykjavíkur, eftir þá keppni var haldinn aðalfundur og Pílufélag Selfoss var formlega stofnað. „Við förum sjálfir í stjórn og fleira og förum á fullt í það að reyna að fá aðstöðu. Það fór þó svo að við fengum í rauninni enga aðstöðu við það svona í byrjun, en svo fóru styrkir frá

fyrirtækjum að tikka inn og meðal annars með þeirra hjálp, tókst okkur að smíða sjálfir pílustanda og eigum við fimm slíka í dag. Í framhaldinu ákváðum við að blása til Opna Selfossmótsins árið 2022, með frábærum stuðningi frá Einari Björns og Önnu Stellu í Hvíta húsinu. Á því móti var full skráning. Svo héldum við Opna Selfossmótið 2023 og þar var aftur fullt, tveggja daga mót, fullt báða dagana,“ bætir Sævar við. Stjórn PFS skipa þeir Þórólfur Sæmundsson formaður, Sævar Þór Gíslason varaformaður, Leifur Viðarsson gjaldkeri, Karl Brynjar Larsen og Sigurður Bergur Jónsson meðstjórnendur og Eypór Jónsson og Róbert Daði Heimisson varastjórn.

## Fullt hús annan daginn í röð

Þrátt fyrir þennan framgang á Selfoss Open, fékk félagið enga aðstöðu eða aðstöðu fyrr en stjórnarmenn settu sig í samband við Helga Haraldsson, formann UMF Selfoss. „Þar sem pila er orðin viðurkennd íþrótt samkvæmt ÍSÍ hefur Íslenska pílukastsambandið hvatt félögin til þess að sækja um aðild í ungmennafélögin. Við heyrðum í Helga, sem er auðvitað opin fyrir öllu er kemur að íþróttum og afþreyingu og hann tók mjög vel í þetta. Við sýndum honum hvað við vildum gera, hvernig aðstöðu væri hægt að setja upp og hvað þetta tæki í raun lítið pláss. Helgi lagði þetta fyrir framkvæmdastjórn og aðalstjórn UMFS og



Helgi Haraldsson, formaður UMFS (fyrir miðju), lætur reyna á hæfni sína í pílukasti ásamt iðkendum í Pílufélagi Selfoss. Mynd: Dagskráin/Helga Guðrún

það var samþykkt að leyfa okkur að setja þetta upp hérna í Tíbrá til reynslu, eða þangað til þetta springur. Miðað við aðsóknina sem við erum að sjá í félagið eftir tveggja daga opnun þá mun þetta springa fljótt utan af okkur. Við erum á kvöldi tvö og það er núna fullt hús annan daginn í röð, þrátt fyrir að eitt liðið okkar sé að keppa í bænum núna, þannig að það væri ansi margt hérna ef þeir væru ekki fjarverandi,“ segir Sævar og brosir.

## Hefði ekki tekist án þrjósku, fráberrar aðstoðar og stuðnings

Sævar segir þó að þeim hefði aldrei tekist þetta ef ekki væri fyrir þrjósku og þrautseigju og þá staðreynd að þeir hafi aldrei gefist upp. „Þessi stuðningur frá fyrirtækjum hefur verið algjörlega ómissandi. Bæði í kringum Selfoss Open og við að setja upp þessa aðstöðu hér, fengum við styrki og auglýsingar frá fyrirtækjum og viljum við sérstaklega þakka Helga Haraldssyni, Einari Björns og Önnu Stellu í Hvíta húsinu fyrir frábæran stuðning. Sömuleiðis fá Fagform, Reykjafell, Pro-Garðar, Lagsarnir, Raf-lagnaþjónusta Selfoss, Tools, Skalli Selfossi, Blikkmenn, Gallery Ozone, Egill Guðjónsson ehf. og Byggingarfélagið Farsæll kærar þakkir fyrir stuðninginn. Einnig ber að þakka allri stjórninni og þeim Einari Erni Einarssyni, Adam Þorsteinssyni, Elvari Viðarssyni og Stefáni Orlandi fyrir aðstöðuna við að gera aðstöðuna og standana okkar að veruleika.“

## Engin leið inn

„Við höfum leitað til sveitarfélagsins sem verslaði m.a. fullt af áhöldum fyrir Unglingalandsmót 2022. Áhöld fyrir pílu voru fengin að láni úr Reykjavík en hingað voru keyptir tveir strandblakvellir, bogfimaðstaða og einhver 6 borðtennisborð á þeirra vegum og ég veit ekki til þess að neitt af þessu, nema kannski tvö borðtennisborð, séu í notkun. Það er vissulega frábært að þau nýtist en á sama tíma er ansi súrt að ekki hafi verið hægt að gera

neitt til að styrkja pílu sem var stofnuð árið 2020 og við þá þegar búinir að biðja um aðstöðu og stuðning. Við höfum ekki fengið eina krónu í styrk frá sveitarfélaginu. Við höfum talað við Fjólu og Braga sem voru bæði mjög jákvæð. Við skiljum stöðu sveitarfélagsins en að þau skuli ekki geta tekið ákvörðun um það að veita okkur aðstöðu í skólunum, þessum dýrustu húsnæðum sveitarfélagsins, sem standa auð eftir klukkan 14, 14:30 á daginn, fram á kvöld og eru ekki í notkun 2-3 mánuði á ári, það finnst manni ansi súrt. Sveitarfélagið á þessi rándýru húsnæði og okkur þykir sorglegt að þau skuli ekki vera nýtt, undir einmitt svona sem tekur ekkert pláss.

Tveir skólastjórnar af þremur sem við leitum til voru engan veginn tilbúnir til að fá þetta inn í skólana, sem sveitarfélagið á og rekur, þrátt fyrir að þeir gætu nýtt sér aðstöðuna til valáfanga í kennslu eins og Flóaskóli er að gera með glæsibrag. Eina lausnin sem annar þeirra kom með var 3-4 milljóna króna framkvæmd fyrir PFS sem var engan veginn framkvæmanleg, það finnst manni bagalegt“ segir Sævar.

## Píla hentar öllum

Sævar segir að píla henti öllum, hún geri hvorki greinamun á kyni, aldri né styrk og að það hafi sýnt sig og sannað. „Við erum virkilega ánægðir með að fá þessa flottu aðstöðu og stefnum á að efla félagið enn frekar. Við hjá PFS búum svo vel að eiga hann Gunnar Guðmundsson sem er Íslandsmeistari U18 2023 og hann er einnig Dartung meistari 2023, en Dartung er mótarið fyrir 9-18 ára börn og ungmenni. Einnig varð Elmar Viðarsson í þriðja sæti á Íslandsmóti öldunga 50+ 2024. Okkur vantar þó kvenkyns iðkendur og til að reyna að fá fleiri konur til liðs við Pílufélagið, langar okkur að halda konudag hérna, bjóða konum að koma hingað og kasta pílu. Í nánustu framtíð ætlum við svo að bjóða upp á barna- og unglínganámsskeið. Landsliðsmennirnir okkar í pílu vilja að auki endilega

koma hingað með kynningar og halda námskeið fyrir fullorðna og okkur langar sömuleiðis að geta boðið eldri borgurum að koma og prófa. Mér finnst þetta alveg frábært, æðislegt að sjá aðsóknina. Draumur okkar er að þetta springi á endanum utan af okkur og við fáum stærra húsnæði,“ segir Sævar og horfir brosandí yfir fullan sal af áhugasömum nýliðum.

Pílufélag Selfoss stefnir á að bjóða upp á æfingar á mánuðum og fimmtudögum, með fyrirvara um tilfallandi viðburði í Tíbrá.

## Mikilvægt að börn og unglíngar séu í skipulögðu íþróttá- eða tómsundastarfi

Helgi Haraldsson, formaður UMF Selfoss, segir að sér þyki mikilvægt að öll börn og unglíngar geti fundið sér eitthvað við að vera og séu í einhverju skipulögðu íþróttá- eða tómsundastarfi. „Það getur verið hvað sem er; rafiþróttir, golf, boltaíþróttir, hestamennska, kirkjukórinn, tónlistarskólinn eða eitthvað annað og einn liður í því er að bæta við pílu. Við erum að vinna að því með Pílufélagi Selfoss að þeir gangi inn í Ungmennafélag Selfoss og verði formleg deild innan félagsins, því pílukast er, líkt og Sævar minntist á, orðin viðurkennd íþrótt hjá Íþróttasambandi Íslands sem og Ólympíusambandinu, og þar með gengur það formlega inn í íþróttahreyfinguna.“

„Þeir hjá Pílufélaginu hafa lengi verið að reyna að fá aðstöðu en það virðast allir aðspurðir hafa miklað þetta fyrir sér, fundist allt ómögulegt. Við komum þeim því fyrir hér í Tíbrá. Kannski ekki síst til að sýna fram á að, vegna þess hvernig þeir eru búinir að út-búa þetta hérna, tekur þetta ekkert pláss á meðan þetta er ekki í notkun. Það er fullt af húsnæði um allan bæ, bæði skólahúsnæði og annað hjá sveitarfélaginu þar sem hægt væri að koma þessu fyrir, bæði til þess að fjölga iðkendum og plássum, til þess að fleiri geti verið með,“ segir Helgi að lokum.

HGL

**SUB EHF**  
HLJÓÐ - LJÓS - MYND  
ALLT SEM VIÐKEMUR TÓNLIST  
subkerfi@gmail.com 8467713

**Sendibílar á Suðurlandi**

Tek að mér alla almenna flutningsþjónstu  
Heimsendingar - Vörudreifing - Búslóðaflutningar - Ruslaferðir  
Traust og fagleg þjónusta með yfir 20 ára reynslu.

Tómas 820 3880 - keyrsla@keyrsla.is - www.keyrsla.is - f /keyrsla.is



### Gjaldfrjáls útlán á bókasöfnum Rangárbings ytra

Nú um áramót tók í gildi breyting á bókasöfnum í Rangárbingi ytra. Þýðst íbúum nú að taka bækur að láni, endurgjaldslaust á öllum bókasöfnum Odda bs; í Grunnskólunum á Hellu og Laugalandi og íþróttahúsinu í Þykkvabæ.

Eru íbúar hvattir til að nýta sér frábæran bókakost safnanna fyrir alla fjölskylduna.

Bókasafnið á Hellu er opið mánudaga frá 16-17:30 og fimmtudaga frá 20-21, á Laugalandi er opið á fimmtudögum frá 19:30-21:30 og í Þykkvabæ er opið á þriðjudögum frá kl 17-18:30.



HEILBRIGÐISSTOFNUN SUÐURLANDS



Willum Þór Þórsson



Diana Óskarsdóttir



Matthías Leifsson



Anna Margrét Magnúsdóttir



Margrét Björk Ólafsdóttir



Björk Steindórsdóttir



Helga Lind Pálsdóttir



Guðný Stella Guðnadóttir



Helgi Hafsteinn Helgason



Anne María Steinþórsdóttir



Steinar Ólafsson



Arndis Mogensen



Vignir Sigurðsson

### Öll hjartanlega velkomin og aðgangur ókeypis

Hvar Fjölbrotaskóla Suðurlands  
Hvenær 20. febrúar 2023  
Klukkan 13:00-17:30

### Skráning



Eða á [www.hsu.is](http://www.hsu.is)



### Dagskrá

Opnun kl. 13:00

Willum Þór Þórsson, heilbrigðisráðherra  
Diana Óskarsdóttir, forstjóri

Leviosa: Matthías Leifsson

Dignio - fjarheilbrigðisþjónusta: Anna Margrét Magnúsdóttir og Margrét Björk Ólafsdóttir

Endurbætt ferli vegna móttöku þolenda ofbeldis: Björk Steindórsdóttir og Helga Lind Pálsdóttir

Kaffihlé

Dagskrá hefst kl. 14:50

Heimasítali: Guðný Stella Guðnadóttir

Krabbameinslækningar á Suðurlandi: Helgi Hafsteinn Helgason

Gervigreind í myndgreiningu: Diana Óskarsdóttir

Kaffihlé

Dagskrá hefst kl. 16:15

Slag innan tímamarka: Anne María Steinþórsdóttir og Steinar Ólafsson

Geðheilsuvernd á meðgöngu: Arndis Mogensen

Heilsa og næring barna: Vignir Sigurðsson

Lokaorð: Diana Óskarsdóttir

# Við höfum opnað verkfæra- og landbúnaðarverslun Austurvegi 69, Selfossi

Hörkutól frá Makita, Kubota, Deutz-fahr, Master og Flex



Fyrir fagfólk - fyrir þig

Makita



## Umhverfisstofnun stöðvar dýpkunarframkvæmdir í Þorlákshöfn

Dýpkunarframkvæmd við fyrirhugaða landfyllingu í Þorlákshafnarhöfn hefur verið stöðvuð af Umhverfisstofnun. Sömuleiðis mælir Skipulagsstofnun gegn landfyllingunni og segir deiliskipulagið m.a. í ósamræmi við aðalskipulag. Þessar fréttir hafa gífurlega mikla þýðingu fyrir félagi í Brimbrettafélagi Íslands, sem hafa barist hart fyrir því að fá áformum um fyrirhugaða landfyllingu í Þorlákshafnarhöfn breytt.

Rök Umhverfisstofnunar fyrir stöðvun framkvæmdanna eru meðal annars þau að leyfi hafi ekki fengist fyrir haugsetningu, efnistöku og förgun á dýpkunarfnum. Sagt er að sveitarfélagið hafi áætlað að nýta dýpkunarfnið í landfyllinguna og að framkvæmdin sé því ólögleg og að Suðurverk, sem hefur séð um framkvæmdina, hafi ekki haft starfsleyfi frá 30. desember sl.

### Í ósamræmi við aðalskipulag

Í fundargerð Skipulagsstofnunar segir að stofnunin mæli gegn landfyllingunni og samþykki ekki að hún falli undir almenna skilmála aðalskipulags um óverulegar framkvæmdir.

Að auki kemur fram að stofnunin mæli gegn því að skipulagið verði auglýst og styður það með því að deiliskipulagið sé í ósamræmi við aðalskipulag og að sömuleiðis sé þörf á að gera grein fyrir umhverfisáhrifum fyrirhugaðrar framkvæmdar í deiliskipulagi. Þá segir stofnunin að framkvæmdin sé matsskyld, sem þýðir að sveitarfélagið þurfi, áður en framkvæmdir hefjast, að tilkynna hana til Skipulagsstofnunar sem tekur í framhaldi ákvörðun um hvort

framkvæmdin sé háð mati á umhverfisáhrifum.

### Aftur á byrjunarreit

Stjórn BFFÍ metur það svo að landfyllingin þurfi vissulega að fara í umhverfisimat. Þá segja þau þetta gríðarlega jákvæða þróun fyrir félagið, enda lítur út fyrir að, kjósi sveitarfélagið Ölfus að halda framkvæmdum við landfyllinguna áfram, komi þau til með að þurfa að byrja aftur á byrjunarreit.

HGL



Ljósmynd: Berglind Jóhannsdóttir.

## Perlað með Krafti á Hótel Selfossi

Kraftur, félag ungs fólks sem greinst hefur með krabbamein og aðstandendur, ætla að perla Lífið er núna armbönd á Hótel Selfossi, þriðjudaginn 6. febrúar, í samstarfi við Krabbameinsfélag Árnassýslu.

Fyrir í janúar komu á annað þúsund manns saman í Hörpu og perluðu 3581 armbönd. Þar voru öll fyrri þátttökumet slegin í þessum skemmtilega viðburði, sem er tilvalinn fyrir fjölskyldur og vini til að eiga notalega stund saman og hjálpa um leið Krafti að styðja við bakið á ungu fólki sem greinst hefur með krabbamein og aðstandendum þeirra.

Yfirskrift fjáröflunarátaks og vitundarvakningar Krafts í ár er: "Vertu perla - Berðu Lífið er núna armbandið.", og vísar það til þess að með því að bera armbandið sé fólk að sýna ungu fólki sem greinst hefur með krabbamein og aðstandendum

þeirra stuðning. Eða eins og einn sem segir sögu sína í vitundarvakningunni segir "...að sjá einhvern með armbandið sýnir mikinn stuðning, skilning og

samhug."

Húsið verður opið á milli 16-19 og er öllum velkomnið að kíkja við og perla með Krafti.



## Dagmar í úrvalshóp FRÍ

Dagmar Sif Morthens er með lágmark í Úrvalshóp FRÍ. Fyrir átti Frjálsíþróttadeild Selfoss níu félagi í hópnum og er hún sú tíunda til að ná lágmarki. Dagmar Sif kastaði 500gr spjóti 38,49m í sumar en lágmarkið í hópinn er 38m. Af einhverjum orsökum þá fór þessi árangur hennar fram hjá þeim sem að

yfirfara allan árangur með tilliti til Úrvalshópsins en að sjálf-sögðu átti hún að fá boð í hópinn í haust þegar hópinn var valinn. Frábær árangur hjá Frjálsíþróttadeild Selfoss að eiga 10 keppendur sem ná inn í Úrvalshópinn en ströng lágmark eru inn í hópinn.



Dagmar Sif Morthens. Ljósmynd: Frjálsíþróttadeild Selfoss.

## Óskað er eftir tilnefningum til Menntaverðlauna Suðurlands 2023

Samtök sunnleuskra sveitarfélaga óska eftir tilnefningum til Menntaverðlauna Suðurlands 2023. Frestur til tilnefninga er til miðnættis sunnudaginn 4. febrúar nk. og þær skal senda á netfangið:

menntaverðlaun@sudurland.is.

Veitt verður viðurkenning sem og peningaverðlaun. Nánari upplýsingar má nálgast á heimasíðu SASS: sass.is.



**SASS**  
SAMTÖK  
SUNNLEUSKRA  
SVEITARFÉLAGA

## Við auglýsum eftir fólki til umönnunarstarfa á Sólvöllum. Sólvellir, dvalarheimili aldraðra á Eyrarbakka.

Okkur vantar sjúkraliða og ófaglært starfsfólk í umönnun á allar vaktir.

Sólvellir, dvalarheimili aldraðra á Eyrarbakka, er notalegt heimili staðsett á Eyrarbakka. Þetta er heimili með 20 heimilismenn, 13 í hjúkrunarrými og 7 í dvalarrými. Á heimilinu er mikið lagt upp úr góðu samstarfi þar sem fagmennska, umhyggja og virðing fyrir skjólstaðingum og fjölskyldu þeirra er höfð að leiðarljósi. Um er að ræða vaktavinnu þar sem unnið er á þrískiptum 8 klst. vöktum og aðra hvora helgi.

### Menntunar- og hæfniskröfur.

- Reynsla og/eða menntun á heilbrigðisviði æskileg.
- Nýliðar eru einnig velkomnir og verður þeim leiðbeint sérstaklega í upphafi starfs. Hér er því um kærkomið tækifæri fyrir áhugasamt fólk sem vill mennta sig á heilbrigðisviði.

Laun eru samkvæmt sérkjarasamningi Foss og Sólvalla. Nánari upplýsingar um starfið veita: Rósa Birgis Sæmundsdóttir s: 860-0180/862-2461, netfang rosabirgis1974@gmail.com og Ingibjörg Gunnarsdóttir s: 860-0180/867-8766, netfang igthrif@simnet.is Umsóknarfrestur er til og með 10. febrúar nk. Umsókn skal skilað rafrænt á netfangið rosa.birgisdottir@solvellir26.is og henni þarf að fylgja upplýsingar um menntun, fyrri störf og reynslu.



## ÞJÓNUSTA

**B.R. FLUTNINGAR**  
  
**S. 662 1122**  
**Daglegar ferðir**  
 SELFOSS - REYKJAVÍK  
 SUÐURLAND



## KJARNABÓKHALD

Bókhalld • Framtöl • Skattskil  
 Launavinnsur • Ráðgjöf o.fl.

Austurvegur 6 - 800 Selfoss  
 Sími 482 3755 - kjarna@centrum.is

**Ráð í rekstri!**

## Hjá Maddy ehf.

Eyravegi 27 - 800 Selfoss  
 s. 482 3454 - maddy@maddy.is

Bókhalld - ráðgjöf  
 skattskil

Þjónusta við  
 einstaklinga og  
 fyrirtæki

Persónuleg þjónusta

Viltu vekja  
athygli á Suðurlandi?

Hafðu samband og fáðu  
 tilboð í auglýsingar í blaðið  
 og á vefinn.

Sími 482 1944  
 auglysingar@dfs.is



## FÉLAGSSTÖRF

SKRIFSTOFA  
FEBSEL

Opin fimmtudaginn  
 1. febrúar kl. 13-14:30.

## OPIÐ HÚS

Fim. 1. febrúar kl. 14:45.  
**Fuglalíf í Hellisskógi**  
 Örn Óskarsson líffræðingur  
 flytur erindi og sýnir myndir.

## FUNDIR



## Krabbameinsfélagið

Opið mán kl. 11 til 15  
 miðv. kl. 11 til 15  
 föstud. kl. 11 til 14.  
 sími 482 1022  
 gsm 788 0300

## Al-Anon Selfossi

Al-Anon fundir á þriðjudögum  
 kl. 20:00, nýliðafundur  
 kl. 20:30, fundur, Hrísholti 8

## Al-Anon

Al-Anon fundur - Einn dagur  
 í einu. Laugardagsmorgnum  
 kl. 10, Hrísholti 8, Selfossi.

## AA

Mán. kl. 21 - AA fundur  
 Þrið. kl. 19 - AA konufundur  
 Mið. kl. 19:30 og 21 - AA fundur  
 Fim. kl. 20 - AA karlafundur  
 Fös. kl. 20:30 - AA fundur  
 Lau. kl. 21 - AA opinn fundur  
 Sun. kl. 11 og 21 - AA fundur  
 AA Hrísholti 8, Selfossi.  
 Nánari upplýsingar á aa.is.

## Polskie mitingi

Polskie mitingi aa grupa krosis.  
 Poniedzialek i czwartek i sobota  
 godzina 19:00. Hrísholt 8 - 800  
 Selfoss.

## AA Sporgöngufólk f. alla

Bókasafn  
 Hafnarberg 1 - 815 Þorlákshöfn  
 Klukkan 11-12 sunnudag.

## AA opin fundur f. alla

Kirkjan kjallari  
 Skálholtsbraut - 815 Þorlákshöfn  
 Klukkan 20:00 fimmtudag.

## OA

Áttu erfitt með að hætta að  
 borða? OA 12 spora fundur  
 Overeaters anonymous alla  
 þriðjudaga kl. 19 Hrísholti 8.

## CoDA

Bataleið frá meðvirkni  
 Fundir alla laugardaga kl. 10:30.  
 Hrísholti 8, Selfossi.  
 Nánari upplýsingar á coda.is.

CoDA-fundur / Meðvirkni  
 Bókasafn Ölfuss, Hafnarbergi 1,  
 Þorlákshöfn  
 Miðvikudaga kl. 19:30.

## Leiðin út á þjóðveg

Fundir í Rauðakrosshúsinu,  
 Mánamörk 1, Hveragerði, efri  
 hæð, fimmtudaga kl. 20:30.

## BÍLAR



Gagnheiði 11 - 800 Selfossi  
 Sími 482 2200 - GSM 894 2277 - Fax 482 2777  
 Yfirbyggingar - Réttingar  
 Bílamálun - Rúðuskipti

## KIRKJA

## Selfosskirkja

Messa sunnudaginn 4. febrúar  
 kl. 11:00. Kirkjukórinn syngur,  
 organisti Edit A. Molnár, prestur  
 Guðbjörg Arnardóttir. Systurnar  
 Karolína og Anna María Konieczna  
 syngja.

Sunnudagskóli á sama tíma  
 kl. 11:00, umsjón Sjónín, Dóra og  
 Katrín.

Morgunbænin þriðju-, mið-  
 viku- og fimmtudaga kl. 9:15.

Þriðjudagssamvera þriðjudag-  
 inn 6. febrúar, gestur Gunnlaugur  
 A. Jónsson prófessor emerítus í  
 Gamla testamentisfræðum.

Kríasálmur á miðvikudögum  
 kl. 10:30, sjá upplýsingar um  
 skráningu inn á Facebook-síðu  
 barnastarfsins. Foreldramorgnar  
 miðvikudaga kl. 11:00.

## Stokkseyrarkirkja

Messa sunnudaginn 4. febrúar  
 kl. 14:00. Organisti Haukur  
 Arnarr Gíslason, prestur Guð-  
 björg Arnardóttir. Messukaffi á  
 eftir í Safnaðarheimilinu.

## Skálholtsdómkirkja

Samvera fjölskyldunnar kl. 11.  
 Vænst er þátttöku barna og  
 ungmenna ásamt foreldrum,  
 öfum og ömmum. Stundin er í  
 umsjón Bergþóru Ragnarsdóttur,  
 djáknakandidats og sr. Axels Á  
 Njarðvík sóknarprestis. Jón  
 Bjarnason organisti spilar á org-  
 elið. Léttar veitingar í lokin.  
 Hugmyndin er að færa laugar-  
 dagssamveru sem hafa verið  
 yfir á sunnudaga og samtengja  
 þannig þessa tvo þætti starfsins.

## Hrepphóla-kirkja

Kirkjuskóli laugardaginn 3.  
 febrúar kl. 11. Söngur, sögur og  
 gleði. Sr. Óskar og Jóna Heiðisdís  
 hafa umsjón með samverunni.  
 Hversdagssamvera mánudags-  
 kvöldið 5. febrúar kl. 20. Jóna  
 Heiðisdís Guðmundsdóttir djákn-  
 akandidat prédikar. Kirkjukórinn  
 syngur undir stjórn Eyrúnar  
 Jónasdóttur organista. Verið öll  
 velkomin!

## Stóra-Núpskirkja

Guðsþjónusta á Biblíudaginn  
 sunnudaginn 4. febrúar kl. 11.  
 Kirkjukórinn syngur undir stjórn  
 Þorbjargar Jóhannsdóttur. Verið  
 öll velkomin!

## Hveragerðiskirkja

Kvöldguðsþjónusta kl. 20. Sr.  
 Ninna Sif Svavarsdóttir þjónar.  
 Kirkjukór Hveragerðis - og Kot-  
 strandsárskóla syngur, organisti  
 Miklós Dalmay.

Safnaðarheimili Aðventista,  
Eyrarvegi 67, Selfossi

Laugardaginn 3. febrúar. Biblíu-  
 rannsókn kl. 11.00, Elías Theo-  
 dorsson. Guðsþjónusta kl.  
 12.00. Harri Guðmundsson pré-  
 dikar. Alli hjartanlega velkomnir.  
 Söfnuður aðventista í Ánessýslu.

Viltu vekja athygli  
á Suðurlandi?

Sími 482 1944  
 auglysingar@dfs.is



Mynd: Dagskráin/Helga Guðrún

Mannát, hákarl og  
brennivín á bóndadaginn

Öldungaráð Selfoss kom  
 saman á Konungskaffi í  
 miðbæ Selfoss á föstudags-  
 morgun í síðustu viku í tilefni  
 bóndadagsins og buðu þeir með  
 Fjóu St. Kristinsdóttur, bæjar-  
 stjóra í Árborg og heiðursgesti,  
 fyrrum sendiherra Íslands í  
 Rússlandi, Hvergerðingnum  
 Magnúsi Hannessyni, Bjarna  
 Harðarsyni, einum helsta sagna-  
 manni Sunnlendinga og blaða-  
 manni Dagskrárinnar. Á boð-  
 stólum voru flatkökur, kaffi, há-  
 karl og brennivín, einkar vel við  
 hæfi á þessum fyrsta degi þorra.  
 Guðni Ágústsson kynnti gestina  
 og bauð velkomna, auk þess

sem hann kynnti gestgjafana,  
 þau Silju Hrund Einarsdóttur  
 og Kristján Eldjárn, sem reka  
 Konungskaffi og tóku vel á móti  
 gestum sínum árla dags.

## Mannát á Íslandi

Bjarni Harðarson hélt tölu þar  
 sem hann fræddi fróðleiksfúsa  
 gestina um mannat, og vildi  
 meina að hin margrómaða og  
 skapstóra íþróttakona Flóa-  
 manna, Jóra, hafi verið ein-  
 hverskonar frumkvöðull í því að  
 taka á móti ferðafólki hételendis,  
 þó með þeim vafasömu afleið-  
 ingum að þeir ættu að hafa haft  
 endastöð hjá Jóru, sem lagði sér  
 þá til munns. Þessa iðju er talið  
 að hún hafi tekið upp eftir að  
 hún lauk við að éta lærið sem  
 hún reif undan hrossinu, sem  
 hún stökk síðan með yfir Ölfusá,  
 líkt og þekkt er.

## Stytta af Jóru

Fjola bæjarstjóri tók þá til máls  
 og beindi orðum sínum að  
 stytubandinu sem hafði veg og  
 vanda að uppsetningu styttunnar  
 af Agli Gr. Thorarensen við Brú-  
 artorg, og lagði það til að næsta  
 stytta yrði af Jóru. Spruttu þá upp  
 umræður um hvort hún yrði best  
 geymd á sjálfum Jórakletti, úti  
 í miðri Ölfusá, eða við árbakk-  
 ann. Viðstaddir meðlimir Stytta-  
 bandsins tóku vel í þessa tillögu  
 og er því aldrei að vita nema við  
 fáum að sjá hina einu sönnu Jóru  
 með hestslerið á harðastökki  
 við Ölfusá á komandi misserum.  
 Sigurður Sigurðsson dýra-  
 læknir kvað kvæði sem blaða-  
 manni þótti vel við hæfi að hafa  
 eftir, kvaðst hann þó ekki viss  
 um hver uppruni þess væri, en  
 vissulega er það vel við hæfi á  
 éljásömum bóndadegi.

Nóttin hefur nýst á mér,  
 nú eru augun þrutin.  
 Snemma því á fætur fer  
 og flýti mér í kútinn.

Við það augun verða hörd,  
 við það batnar manni strax.  
 Hvað er betra en bænagjörð,  
 brennivín að morgni dags.

## HEILSA

Energy Touch  
 - Nudd  
 - Heildræn með-  
 höndlun

Yoga Nidra  
 djúplökun

Örfáar dínur lausar  
 Hafðu samband

Ragnhildur  
 Sigurðardóttir  
 Farsími  
 693 2197  
 ragnhildurgagga.is

Cand.mag. í þróttfræðum,  
 nálastungur, yoga,  
 NLP-master/coach,  
 nuddmeistari,  
 Hugræn atferlismeferð,  
 meta medicine.

Með Dáleislu má vinna að  
 úrbótum ýmskonar  
 vandamála, líkamlegra sem  
 andlegra. Það má líka fara  
 aftur í tímann og sjá löngu  
 liðna atburði, hætta  
 reykingum og margt annað.

- Ég er líka með  
**augnlestur** en með honum  
 má sjá ástand viðkomandi,  
 líkamlegt og andlegt. Þessu  
 fylgja ráð um hvernig breita  
 má hlutum til betri vegar.

- Er einnig með **Nudd og  
 svæðanudd** -

**Heiðar Ragnarsson**  
 Heilsulindinni í Miðgarði  
 s. 8981501

## Hveragerðisbær semur við Listasafn Árnesinga

Hveragerðisbær og Listasafn Árnesinga undirrituðu í síðustu viku nýjan þjónustusamning sín á milli. Samningurinn, sem hefur það meginmarkmið að auka samstarf Hveragerðisbæjar og Listasafnsins og efla þar með menningarstarf, sýningahald og safnastarf í bænum, er til þriggja ára og felur í sér 17.880.000 kr. framlag frá Hveragerðisbæ til safnsins á samningstímanum.

Samningurinn fellur að stefnu Hveragerðisbæjar þar sem meðal annars er gert ráð fyrir að unnið sé með sérstöðu bæjarins á sviði lista og að byggð sé upp skapandi menning í bænum.

Hveragerðisbær mun annast umhirðu lóðar safnsins á samningstímanum og veita ráðgjöf vegna viðhalds á húsnæði safns-

ins. Að auki greiðir bærinn fasteignagjöldin fyrir safnið. Listasafnið mun meðal annars standa fyrir námskeiðum um myndlist, söfn og safnastarf fyrir börn og

unglinga í Hveragerði, bjóða grunnskólanemum á sýningar í safninu og veita dvalargestum í listamannahúsinu Varmahlíð vinnuaðstöðu ef mögulegt er.



## Konungur Fjallanna

Kristinn Guðnason í Árbæjarhjáleigu er ókrýndur konungur fjallanna, enda fjallkóngur á Landmannaafretti. Kristinn býr við mikla frægð, kvikmynd farið um víða veröld um smalamennskur á þessum fallega afretti. Nú hefur Kristinn eignast forystusauð sem fær nafnið Kóngur hann er frá Skúla bónda á Ytra-Álandi í Þystil-

firði. Hér sjást þeir Kristinn og Tryggvi Ágústsson mikill smali og reiðmaður um afretti landsins, þeir eru að draga leðuról í horn Kóns svo þau veði snúin og fögur og kannski ber hann sauðabjöllu í horni og klingir þegar þeir kóngarnir fara fyrir safni sínu til rétta næsta haust.



## AUGLÝSING UM SKIPULAGSMÁL

### Bláskógabyggð og Skeiða- og Gnúpverjahreppur



Samkvæmt 30. skipulagslaga nr. 123/2010 eru hér kynntar tillögur eftirfarandi aðalskipulagsbreytinga:

#### 1. Þjóðgarðurinn á Þingvöllum; Stækkun á VP2, Valhallarstígur Nyrðri 8 úr F í VP, vatnsból á VB3; Breyting á aðalskipulagi - 2309040

Sveitarstjórn Bláskógabyggðar samþykkti á fundi sínum þann 17. janúar 2024 að kynna tillögu sem tekur til breytinga á aðalskipulagi Bláskógabyggðar 2015-2027 innan þjóðgarðsins á Þingvöllum. Viðfangsefni breytingarinnar er þrjúþætt og tengist uppbyggingu innviða innan þjóðgarðsins á Þingvöllum. Í fyrsta lagi er um að ræða stækkun á verslunar- og þjónustusvæðinu VP2 þar sem gert er ráð fyrir byggingu tveggja nýrra þjónustumiðstöðva og öðrum innviðum, s.s. 550 - 700 bílastæðum. Í öðru lagi er um að ræða skilgreiningu tveggja nýrra vatnsbóla og ásamt tilheyrandi vatnsverndarsvæðum (brunn-, fjar- og grannsvæða). Í þriðja lagi er um að ræða nýtt verslunar- og þjónustusvæði við Valhallarstíg, sunnan við Kúatorfu (Valhallarstígur Nyrðri 8).

#### 2. Útey 2 L167648; Mýrarskógur og Eyjavegur; Breyttir landnotkunarflokkar; Aðalskipulagsbreyting - 2212016

Sveitarstjórn Bláskógabyggðar samþykkti á fundi sínum þann 17. janúar 2024 að kynna tillögu sem tekur til breytinga á aðalskipulagi Bláskógabyggðar 2015-2027 vegna Mýrarskógar og Eyjavegar. Breytingin nær til þess hluta af frístundasvæði F21 sem er innan Úteyjar 2 L167648 auk nýrra svæða austan Laugarvatnsvegur. Reitir F21 nær yfir nokkrar jarðir, innan framlagðrar breytingartillögu er eingöngu lagt til að breyta þeirri landnotkun sem er innan Úteyjar 2. Í henni felst tilfærsla á frístundasvæði í landbúnaðarsvæði og öfugt.

Samkvæmt 31. gr. skipulagslaga nr. 123/2010 er hér auglýst tillaga aðalskipulagsbreytingar eftirfarandi skipulagsáætlunar:

#### 3. Reykholt; Verslunar- og þjónustusvæði; Aðalskipulagsbreyting - 2306088

Sveitarstjórn Bláskógabyggðar samþykkti á fundi sínum þann 20. desember 2023 að auglýsa tillögu sem tekur til breytinga á aðalskipulagi Bláskógabyggðar 2015-2027 innan þéttbýlisins í Reykholti. Í breytingunni felst m.a. heimild til stækkunar á hóteli að Skólavegi 1 úr 40 gistiryma hóteli á 1-2 hæðum í 120 gistiryma hóteli á allt að þremur hæðum. Gatan Tungurimi hefur verið hönnuð og er færð um 15 m til norðvesturs, landnotkun og lóðir umhverfis götuna eru aðlagðar að breyttri legu hennar innan breytingarinnar. Þá verður gamla leikskólanum á Reykholtsbrekku 4 breytt úr samfélagsþjónustu í verslunar- og þjónustusvæði auk þess sem byggingarheimild við núverandi leikskóla er aukin.

Samkvæmt 41. gr. skipulagslaga nr. 123/2010 eru hér auglýstar tillögur eftirfarandi deiliskipulagsáætlana.

#### 4. Apavatn 2 lóð L167670; Byggingarskilmálar; Deiliskipulag - 2401015

Sveitarstjórn Bláskógabyggðar samþykkti á fundi sínum þann 17. janúar 2024 að auglýsa tillögu nýs deiliskipulags sem tekur til lóðar Apavatns 2, lóð L167670. Í skipulaginu felst heimild til viðbyggingar við núverandi sumarhús innan lóðarinnar auk 40 fm gestahúss og 15 fm geymslu innan nýtingarhlutfall 0,03.

#### 5. Myrkholt L217197; Verslunar- og þjónustusvæði; Deiliskipulag - 2401013

Sveitarstjórn Bláskógabyggðar samþykkti á fundi sínum þann 17. janúar 2024 að auglýsa tillögu nýs deiliskipulags sem tekur til verslunar- og þjónustusvæðis VP25 í landi Myrkholtis 1. Í deiliskipulaginu felst heimild til stækkunar á núverandi húsi um allt að 600 fm. Ennfremur er gert ráð fyrir byggingum ætlaðar fyrir ferðaþjónustu og henni tengdri s.s. nýtt gistihús, smáhýsi og starfsmannahús. Heildarflatarmál bygginga á lóðinni má ekki fara yfir 2.300 fm, fjöldi gistirúma má vera allt að 80.

#### 6. Efra-Apavatn 1B L226188; Skilgreining frístundalóðar; Deiliskipulag - 2311089

Sveitarstjórn Bláskógabyggðar samþykkti á fundi sínum þann 17. janúar 2024 að auglýsa tillögu nýs deiliskipulags sem tekur til lóðar Efra-Apavatns 1B L226188. Innan skipulagsins er gert ráð fyrir því að heimilt verði að reisa frístundahús allt að 250 fm auk bílskúrs/skemmu að 100 fm.

#### 7. Minni-Núpur L166583; Frístundasvæði; Deiliskipulag - 2309099

Sveitarstjórn Skeiða- og Gnúpverjahrepps samþykkti á fundi sínum þann 24. janúar 2024 að auglýsa tillögu nýs deiliskipulags sem tekur til frístundasvæðis í landi Minna-Núps L166583. Í tillögunni felst skilgreining byggingarreitar og byggingarheimildar á 8.760 fm lóð þar sem gert er ráð fyrir uppbyggingu á frístundahúsi ásamt tveimur gestahúsum.

Ofangreindar skipulagstillögur liggja frammi til kynningar á skrifstofu skipulagsfulltrúa, Dalbraut 12, Laugarvatni á skrifstofutíma embættisins. Að auki er hægt að nálgast tillögur á vefslóðinni [www.utu.is](http://www.utu.is). Þá eru gögnin aðgengileg á heimasíðum sveitarfélaganna, [www.blaskogabyggd.is](http://www.blaskogabyggd.is) og [www.skeidgnup.is](http://www.skeidgnup.is) og á skipulagsgátt Skipulagsstofnunar skipulagsgatt.is/.

Mál 1 - 2 innan auglýsingar eru skipulagsmál í kynningu frá 1. febrúar 2024 með athugasemdafresti til og með 22. febrúar 2024.

Mál 3 - 7 innan auglýsingar eru skipulagsmál í auglýsingu frá 1. febrúar 2024 með athugasemdafresti til og með 15. mars 2024.

Athugasemdum og ábendingum skal skila skriflega á skrifstofu UTU Dalbraut 12, Laugarvatni eða með tölvupósti á netfangið [skipulag@utu.is](mailto:skipulag@utu.is). Bendum jafnframt á að málin eru aðgengileg á skipulagsgátt Skipulagsstofnunar skipulagsgatt.is/.

Vígús Þór Hróbjartsson  
Skipulagsfulltrúi UTU

## „Skrambi gaman að sjá hvað fólk hljóp af stað“

Morgun- og hádegisverðar- staðurinn Byrja opnaði óformlega síðasta föstudag í Krónuhúsinu við Austurveg á Selfossi. Að baki Byrja standa Selfyssingurinn Vigfús Blær Ingason og Christine Rae, kona hans.

„Við erum búin að hugsa þetta í mörg ár, að hér á Selfossi væri í raun ekkert hægt að fá sér í morgunmat nema í bakaríum eða á bensínstöðvum. Svo fluttum við í bæinn í nokkur ár, þar sem við vorum dugleg að sækja svona morgunverðarstaði, svo fluttum við aftur á Selfoss og þá impraði það á hversu mikið okkur fannst þetta vanta, því við vorum orðin vön þessu. Svo eignumst við börn, erum hérna á Selfossi og áttum okkur fljótlega á því að hér eru engir staðir sem er gott að fara með börn á. Maður getur alveg látið það ganga, en ekkert svona sem manni langar sérstaklega að fara með þau,“ segir Vigfús í samtali við blaðamann Dagskrárinnar, sem kíkta til þeirra skömmu eftir að tók að hægja um eftir þeirra fyrstu hádegisverðartörn á föstudag, en á Byrja er skemmtilegt leiksvæði fyrir börn í smíðum við hlið afgreiðsluborðsins.

### Fullt á öllum borðum klukkutíma eftir opnun

Vigfús segir síðustu vikur hafa verið strembnar. „Við höfum verið á fullu við að reyna að koma þessu í stand en svo í morgun bara svona uppúr tíu var allt til alls hér og við ákváðum að prófa að opna og æfa okkur, þannig að við tókum svona hljóðláta opnun og höfum bara útskýrt það fyrir fólki, sem hefur tekið vel í það, að við erum svona í „beta-testi“. Okkur langar að heyra frá fólki hvort það vilji sjá eitthvað öðruvísi eða hvort við ættum að vera að



Vigfús og Christine, eigendur Byrja, höfðu í nógu að snúast við frágang þegar blaðamaður Dagskrárinnar leit við, eftir frábærlega heppnaða „hljóðláta“ opnun, þar sem setið var við hvert borð. Ljósmynd: Dagskráin/Helga Guðrún

gera eitthvað öðruvísi þannig að klukkan 10 í morgun ákváðum við að opna bara og sjá hvað gerðist, auglýstum það ekkert en það hefur gengið ótrúlega vel og var skrambi gaman að sjá hvað fólk hljóp af stað, klukkutíma eftir opnun var setið á öllum borðum,“

### Kíkti í heimsókn fyrir 8 árum og er ekki enn farin heim

Vigfús og Christine, sem er frá Kanada, kynntust þegar hún kom í heimsókn til Íslands fyrir 8 árum síðan. „Hún kom hingað í heimsókn og ætlaði að stoppa hjá öðru fólki í nokkra mánuði, en hún er ekki enn farin heim,“ segir Vigfús og hlær. „Christine er vön þessum diner- stöðum í Kanada, sem eru ýmist opnir allan sólarhringinn eða opnir eldsnemma og opnir fram á kvöld og eru rótgrónir hlutar samfélagsins. Við erum rosa hrifin af þeirri hugmynd og erum með Byrja að blanda henni saman við það að geta farið með börnin með sér á veitingastað og notið þess að borða matinn áður en hann kólnar.

Eftir að hafa unnið í bænum

og verið að keyra á milli, finnum við að við viljum bara vera hér. Okkur langaði að vinna fyrir okkur sjálf og okkur fannst, sem fyrr segir, vanta svona stað í veitingastaðarflórana í bænum og vildum taka þátt í uppbyggingunni á Selfossi,“ bætir Vigfús við.

### Blanda af klassík frá Kanada og Íslandi

Á matseðli Byrja má finna blöndu af klassískum morgunverðarréttum Íslendinga og Kanadabúa og segir Vigfús að sjálfsögðu sé rík áhersla lögð á hið kanadíska hlynysróp og sömuleiðis hinar hefðbundnu íslensku kleinur og flatkukur. Þar að auki eru ýmiskonar borgarar, samlokur, vefjur og salöt, súpur og snarl, kaffi, úrval af óáfengum drykkjum auk léttvins og bjór á krana í boði. Byrja opnar klukkan 7 virka morgna og 8 um helgar og opið til 16 alla daga. Byrja Selfoss er á samfélagsmiðlum og á byrjaselfoss.is verður von bráðar hægt að panta á netinu m.a. af sérstökum take-away matseðli. HGL



Porrablótið var vel sótt. Mynd: Aðsend.

## Gnúpverjar blóta í Árnesi

Þorrablót Gnúpverja fór fram í Árnesi á bóndadaginn, föstudaginn 27. janúar sl. Að sögn aðstandenda blótsins fór það fram með besta móti. 250 gestir nutu matar sem fenginn var frá Múlakaffi og skemmtu sér mjög vel yfir skemmtiatriðunum sem slógu í gegn.

**FROST**  
KÆLIKERFI - FRYSTIKERFI  
HÖNNUN - SALA - ÞJÓNUSTA  
HÁHEIÐI 9, SELFOSSI - Sími 464 9400 - WWW.FROST.IS

expert **kæling**  
Sími 660 2970  
Uppsetn. og viðhald á kæli- og frystikerfum  
Ísskápa viðgerðir - Almennar raflagnir

**LAGNIR**  
ALHLIÐA PÍPULAGNINGA  
VERKTAKAR  
Eyjólfur - Sími 888 8001  
Guðjón - Sími 888 8002  
800lagnir@800lagnir.is

**HSH**  
Þrif og flutningar ehf  
Breiðumýri 3 Selfossi  
Hefur opnað þvottahús,  
Þvottur- og leiga á líni-,  
ræstingar, þrif og  
flutningarþjónusta  
Uppl. í síma 792-1727 eða  
hshflutningar@gmail.com

**Pípulagnir Júlla**  
Persónuleg þjónusta  
Nýlagnir - Endurlagnir - Viðgerðir  
Sími 772 1456 - ornja@btnet.is - www.pipulagnirjulla.is

**Lagnaþjónustan ehf**  
Pípulagnir - Efnissala  
482 2311 ☎ 696 2311  
Skrifstofa Þjónustusími

**NÝTT**  
Vinnuvélanámskeið  
á netinu!  
www.vinnuvelaskolin.is

BRACN AF  
VINÁTTU!  
Fæst hjá  
**BYKO** Selfossi

**ÖKULAND**  
Meirapróf  
Endurmenntun  
Akstursþjálfun  
okuland.is

**VÉLSMÍÐJA  
SUÐURLANDS ehf**  
Selfossi Gagnheiði 5 Sími: 482 1980  
Efnissala  
Rennismíði  
Innréttingar  
Járnsmiði  
Gagnheiði 5, Selfossi  
Sími 482 1980

Bílasprautun - Bílaréttingar -  
Bíluúðskipti  
**Bilverk BA**  
Þar sem fagmennirnir vinna  
★★★★★ Vottað verkstæði  
Gagnheiði 3 - Selfossi  
Sími 482 2224 / 899 5424 - bilverkba.is